



NATIONAL UNION OF DISABLED PERSONS OF UGANDA (NUDIPU)

DUL MA RIBO LUGORO I LOBO UGANDA (NUDIPU)

GORO ME I KOM KACEL KI TWO ME KWIDI CORONA (COVID-19)

Lok me cakone

NUDIPU obedo dul ma ribo lugoro ma ocake I mwaka 1987 pi kelo karacel dano ma tye ki goro me kom I yoo mapat-pat.

NUDIPU lwenyo me neno ni dano ma tye ki goro I kom-gi gibedo ki yot-kom, dwon acel kacel ki nongo kwo ma opore.

Niyabo pa two kwidi corona (COVID-19)

Acaki pa two kwidi corona (COVID-19) onen I lobo China nino dwe 31 dwe me apar-ariyo I mwaka 2019. Kumbedi, kwidi me corona otyeko nyaa I kabedo weng me I wilobo madong odwogo gemo I kabedo weng naka wa I lobo Uganda.

Kit ma two kwidi corona kobe kwede

Kwidi me corona kobe oyot ki I yamo tutwal-le I kabedo ma dano ogure madwong ci kelo two. En kobe I kin dano I yoo me jiro onyo ono kacel ki kabedo madong onywene-o ki kwidi me corona.

Ci dong, pire tek me neno ni lwak gi obedo gi ngec I kom yoo me gwok-ke ki nongo kwidi me corona.

Lanyut me two kwidi corona

- Lyeto-kom
- Dwon ma yil onyo ma lit
- Auu/Aburu
- Aona
- Goro pa kom
- Tek pa yweyo
- Abar-wic

Kit me gwoke ki two kwidi corona

- Gwoke ki gudu wangi, umi onyo dogi.
- Pe I bed cok tutwal ki lutwo me kwidi corona. Omyero bene I ngee ni lutwo mogo pe gi nyutu lanyut me two kwidi corona ento gin pwod romo kobo kwidi me two corona.
 - Bed gang ka komi lit.
- Um dogi onyo umi ka I tye ka ono ci bene I bol latam ma I tiyo kwede-ni I kabedo ma opore.
- Ruk lageng um ki dog mapwod pe I woto I kabedo ma dano madwong ogure-iye.
- Nen-ni I tiyo ki cabun onyo yat jik me dunyu kabedo onyo jami ma dano gudu kare ki kare.
- Lwok cingi kwon nongo I tiyo ki cabun kacel pii ma oromo pi dakika ma romo acel. Ki bene, I romo tic ki sanitizer me lwoko cingi.

Kit me konyo dano ma tye ki goro me kom I kare me two kwidi corona

- i. Omyero wunen-ni wumedo coc I kom cal onyo vidiyo kacel ki alama pi leb pa odingit I kare me miyo ngec bot lwak ducu.
- ii. Cwalo ngec I yoo ma nyang-o yot. Cwal wunu ngec I yoo ma nyang-o yot bot dul pa lugoro mapat-pat macalo lugoro me wic kacel ki oding-it.
- iii. Coc omyero obedo I yoo ma nyang-o yot macalo coc madongo ki bene I yoo me coc abonga pi konyo lutoo wang kacel oding-it.
- iv. Med wunu lanyut I kom cal matye I kin coc onyo me acwala I kupe me wii yamo. Pe wutii ki cal ma kelo dic onyo apoka-poka bot jo ma tye ki goro me I kom mapat-pat.
- v. Omyero wunen-ni ngec me nongo kony me yoto-kom malube gi two me kwidi corona oo bot lugoro weng onyo lugwok-gi.
- vi. Wegi gang kwan omyero gi onen-ni gi okonyo lutini kwan ma gi tye ki goro me I kom wek gimede ki kwan ki I gang pi kare ma opore.
- vii. Nen bene ni miti pa dano ma tye ki goro me wic kacel ki dano ma tye ki two cimo gi onongo yoo me gamo yat-gi kun nongo wuparo pi ber bedo gi I kare me two kwidi corona.
- viii. Gamente omyero obed ki yub ma opore pi konyo dano ma tye ki goro me I kom kun nongo gi tiyo ki dul ma ribo lugoro macalo dul me NUDIPU I kabedo weng.
- ix. Lupor lok bot oding-it omyero gi bed tye cawa ducu I kabedo ma ki gwoko lutwo me kwidi corona pi konyo oding-it me nongo kony ma opore.
- x. Omyero ngec ma aa ki bot gamente malube ki two kwidi corona oo bot dano ducu ma tye ki goro me I kom.

- xi. Ka I kare me gwoko dano ma tye ki goro me I kom I kabedo me geng malube ki gwoko kobo pa kwidi corona, omyero kabedo macalo kabutu, coron onyo kawot obed ma opore pi gin weng.
- xii. Ogwok-kuc ma gi ribo cing-gi ka lweny I kom two kwidi corona omyero gi obed ki ngec ma oromo malube ki konyo dano ma tye ki goro me I kom I kare me two kwidi corona.
- xiii. Yub omyero obed tye I kin lutedero pi konyo dano weng ma tye ki goro me I kom I kare me two kwidi corona labongo apoka-poka.

Me agiki

Two me kwidi corona pwod tye I lobo weng. Dul ma doro lok kom yoto-kom I lobo me Uganda nyutu ni dano madwong pwod gi tye ka nongo two man nino ducu. Ci dong, NUDIPU cwala kwena ne bot dano ducu ma gi tye ki goro me I kom kacel ki anywali weng me I lobo Uganda pi gwok-ke I kom two me kwidi corona kun nongo wulubu cik ma dul ma doro lok kom yoto-kom I lobo me I Uganda ocimo.

Facebook: NUDIPU-Uganda

Twitter: @NUDIPU

Instagram: NUDIPU Uganda

NUDIPU Email: info@nudipu.org